

御定全唐诗

全唐詩目 第六函

第八冊

元稹 卷一至九卷

全唐詩

元稹

元稹字微之河南河內人幼孤母鄭賢而文親授書傳
舉明經書判入等補校書郎元和初應制策第一除左
拾遺歷監察御史坐事貶江陵士曹參軍徙通州司馬
自號州長史徵爲膳部員外郎拜祠部郎中知制誥召
入翰林爲中書舍人承旨學士進工部侍郎同平章事
未幾罷相出爲同州刺史改越州刺史兼御史大夫浙
東觀察使太和初入爲尙書左丞檢校戶部尙書兼鄂
州刺史武昌軍節度使年五十三卒贈尙書右僕射稹
自少與白居易倡和當時言詩者稱元白號爲元和體

其集與居易同名長慶今編詩二十八卷

思歸樂

山中

一作

思歸樂盡作思歸鳴爾是此山鳥安得失鄉名

應緣此山路

一作

自古離人征陰愁感和氣俾爾從此生

我雖失鄉云

一作

失鄉情慘舒在方寸寵辱將何驚

浮生居大塊尋丈可寄形

一作

身安卽形樂豈獨樂咸京

命者道之本死者天之平安問遠與近何言殤與彭君

看趙工部八十支體輕交州二十載一到

一作

長安城長

安不須與復作交州行交州又累歲移鎮廣興荆

一作移鎮值江

陵

歸朝新天子濟濟爲上卿肌膚無瘡色飲食康且寧

長安一晝夜死者如賈星喪車四門出何關炎瘴縈沉

我三十二

一作餘

百年

一作來

未半程江陵道塗近楚俗雲水清

遐想玉泉寺久聞峴山

一作久欲登斯

亭此去盡綿歷豈無心賞

并紅餐日充腹碧澗朝析醒開門

一作釀酒

待賓客寄書安弟

兄閑窮四聲韻悶悶九部經身外皆委順

一作無所求

眼前隨

所營此意久已定誰能求苟榮所以官甚小不畏權

一作歸

勢傾傾心豈不易巧詐神之刑萬物有本性沉復人

一作性至

靈金埋無土色玉墜無瓦聲劍折有寸利鏡破有

片明我可俘爲囚我可刃爲兵我心終不死金石貫以

誠此誠患不至

一作立

誠至

一作齧

道亦亨微哉滿山鳥叫噪何

足聽

春鳩

御定全唐詩

六

元稹

六

二

雙峰書室

春鳩與百舌音響詎同年如何一時語俱得春風憐猶
知化工一作意當春不生蟬免教爭叫噪沸渭桃花前

春蟬

我自東歸日厭苦春鳩聲作詩憐化工不遣春蟬生及
來商山道山深氣不平春秋兩相似蟲豸百種鳴風松
不成韻蝸蟪沸如羹豈無朝陽鳳羞與微物爭安得天
上雨奔渾河海傾蕩滌反時氣然後好清明

兔絲

人生莫依依倚倚事不成君看兔絲蔓依倚榛與荆荆
榛易蒙密百鳥撩亂鳴下有狐兔穴奔走亦縱橫樵童
斫將去柔蔓與之并翳蒼生可恥東縛死無名桂樹月

中出珊瑚石上生俊鵲度海食應龍升天行靈物本特
達不復相纏縈纏縈竟何者荆棘與飛莖

古社

古社基趾在人散社不神惟有空心樹妖狐藏魅人狐
惑意顛倒臊腥不復聞邱墳變城郭花草仍荆榛良田
千萬頃占作天荒田主人議芟斫怪見不敢前那言空
山燒夜隨風馬一作長奔飛一作壯聲鼓輦震高燄旗幟飄逡巡

荆榛盡狐兔無子孫狐死魅人滅煙消壇墠存繞壇舊
田地給授有等倫農收邨落盛社樹新團圓社公千萬
歲永保邨中民

松樹

華山高幢幢

一作幢幢

上有高高松株株遙各各葉葉相重重

槐樹夾道植枝葉俱冥蒙既無貞直幹復有冒挂蟲何

不種松樹使

一作種

之搖清風秦時已曾種顛顛種不供可

憐孤松意不與槐樹同閑在高山頂樛盤蚪與龍屈爲

大廈棟庇蔭侯與公不肯作行伍俱在塵土中

芳樹

芳樹已寥落孤英尤可嘉可憐團團

一作團

葉蓋覆深深花

遊蠶競鑽刺鬬雀亦紛拏天生細碎物不愛好光華非

無殲殄法念爾有生涯春雷一聲發鶯燕亦驚蛇清池

養神蔡已復長蝦蟇雨露貴平施吾其春草芽

桐花

朧月上山館紫桐垂好陰可惜暗澹色無人知此心舜
沒蒼梧野鳳歸丹穴岑遺落在人世光華那復深年年
怨春意不競桃杏林唯占清明後牡丹還復侵況此空
館閉云誰恣幽尋徒煩鳥噪集不語山嶽岑滿院青苔
地一樹蓮花簪自開還自落暗芳終暗沈爾生不得所
我願裁爲琴安置君王側調和元首音安問宮徵角先
辨雅鄭淫宮弦春以君君若春日臨商弦廉以臣臣作
旱天霖人安角聲暢人困鬪不任羽以類萬物祇物神
不歆徵以節百事奉事罔不欽五者苟不亂天命乃可
忱君若問孝理彈作梁山吟君若事宗廟拊以和球琳
君若不好諫願獻觸疏箴君若不罷獵請聽荒千禽君

若侈臺殿雍門可露襟君若傲賢雋鹿鳴有食兮君聞
祈招什車馬勿駸駸君若欲敗度中有式如金君聞薰
風操志氣在悄悄中有旱財語勿受來獻縣北里常絕
聽禍莫大於姪南風苟不競無往遺之擒姦聲不入耳
巧言寧孔壬梟音亦云革安得沴與禔天子旣穆穆羣
材亦森森劍士還農野絲人歸織紵丹鳳巢阿閣文魚
游碧潯和氣浹寰海易若漑蹄岑改張乃可鼓此語無
古今非琴獨能爾事有論因鍼感爾祠花意閑怨杳難
禁待我持斤斧置君爲大琛

雉媒

雙雉在野時可憐同耆欲毛衣前後成一種文章足一

雉獨先飛衝開芳草綠網羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未肯來又啄翳前粟歛翮遠投君飛馳
勢奔蹙臂挂在君前向君聲促促信君凌無疑不道君
相覆自恨飛太高疎羅偶然觸看看架上鷹擬食無罪
肉君意定何如依舊雕籠宿

箭鏃

箭簇本求利淬礪良甚難礪將何所用礪以射凶殘不

礪射不入不射人不安爲盜卽當射寧問私與官夜射
官中盜中之血闌干帶箭君前訴君王悄不歡頃曾爲
盜者百箭中心攢競將兒女淚滴漚助辛酸君王責良
帥此禍誰爲端帥言發礪罪不使刃稍利君王不忍殺
逐之如迸丸仍令後來箭盡可頭團團發礪去雖遠礪
鏃心不闌會射蛟螭盡舟行無惡瀾

賽神

邨落事妖神林木大如邨事來三十載巫覡傳子孫邨
中四時祭殺盡一作囊雞與豚主人不堪命積燎曾欲燔旋
風天地轉急雨江河翻採薪持斧者棄斧縱橫奔山深
多掩映僅免鯨鯢吞主人集鄰里各各持酒罇廟中再

三拜願得禾稼存去年大巫死小覲又妖言邑中神明
宰有意效西門焚除計未決伺者迭乘軒廟深荆棘厚
但見狐兔蹲巫言小神變可驗牛馬番邑吏齊進說幸
勿禍鄉原踰年計不定縣聽良亦煩涉夏祭時至因令
修四垣憂虞神憤恨玉帛意彌敦我來神廟下簫鼓正
喧喧因言遣妖術滅絕由本根主人中罷舞許我重疊
論蜉蝣生溼處鴟鴞集黃昏主人邪心起氣餒日夜繁
狐狸得啖徑潛穴主人困腥臊襲左右然後託邱樊歲
深樹成就曲直可輪轅幽妖盡依倚萬怪之所屯主人
一心好四面無籬藩命樵執斤斧怪木寧遽斃主人且
傾聽再爲諭清渾阿膠在末派罔象游上源靈藥遠巡

盡黑波朝夕噴神龍厭流濁先伐鼃與黿黿鼃在龍穴
妖氣常鬱溫主人惡淫祀先去邪與憎憎邪中人意蠱
禍蝕精魂德勝妖不作勢強威亦尊計窮然後賽後賽
復何恩

大精鳥

陽鳥有二類精白者名慈求食哺慈母因以此名之飲
啄頗廉儉音響亦柔雌百巢同一樹棲宿不復疑得食
先反哺一身常苦羸緣知五常性翻被眾禽欺其一觜
大者攫搏性貪癡有力強如鶻有爪利如錐音聲甚呖
喙潛通妖怪詞受日餘光庇終天無死期翱翔富人屋
棲息屋前枝巫言此鳥至財產日豐宜主人一心惑誘

引不知疲轉見鳥來集自言家轉築白鶴門外養花鷹
架上維專聽鳥喜怒信受若神龜舉家同此意彈射不
復施往往清池側却令鷓鴣隨羣鳥飽梁肉毛羽色澤
滋遠近恣所往貪殘無不爲巢禽攫雛卵廢馬啄瘡痍
滲瀝脂膏盡鳳皇那得知主人一朝病爭向屋檐窺呦
鷺呼羣鵬翩翩集怪鳴主人偏養者嘯聚最奔馳夜半
仍驚噪鵂鶻逐老狸主人病心怯燈火夜深移左右雖
無語奄然皆淚垂平明天出日陰魅走參差鳥來屋檐
上又惑主人兒兒卽富家業玩好方愛奇占募能言鳥
置者許高貲隴樹巢鸚鵡言語好光儀美人傾心獻雕
籠身自持求者臨軒坐置在白玉墀先問鳥中苦便言

烏若斯衆烏齊搏鑠翠羽幾離披遠擲千餘里美人情
亦衰舉家懲此患事烏踰昔時向言池上鷺啄肉寢其
皮夜漏天終曉陰雲風定吹沉爾烏何者數極不知危
會結彌天網盡取一無遺常令阿閣上宛宛宿長離

分水嶺

崔嵬分水嶺高下與雲平上有分流水東西隨勢傾朝
同一源出暮隔千里情風雨各自異波瀾相背驚勢高
競奔注勢曲已回縈偶值當途石蹙縮又縱橫有時遭
孔穴變作鳥咽聲褊淺無所用奔波奚所營團團井中
水不復東西征上應美人意中涵孤月明旋風四面起
井深波不生堅冰一時合并深凍不成終年及引絕不

耗復不盈五月金石鑠既寒亦既清易時不易性改邑
不改名定如拱北極瑩若燒玉英君門客如水日夜隨
勢行君看守心者井水爲君盟

四皓廟

巢由昔避世堯舜不得臣伊呂雖急病湯武乃可君四
賢胡爲者千載名氛氲顯晦有遺迹前後疑不倫秦政
虐天下黷武窮生民諸侯戰必死壯士眚亦嘖張良韓
孺子椎碎屬車輪遂令英雄意日夜思報秦先生相將
去不復嬰世塵雲卷在孤岫龍潛爲小鱗秦王轉無道
諫者鼎鑊親茅焦脫衣諫先生無一言趙高殺二世先
生如不聞劉項取天下先生游白雲海內八年戰先生